

續修四庫全書

《續修四庫全書》編纂委員會編

續修四庫全書

上海古籍出版社

一五六三・集部・別集類

偶齋詩草三十六卷（內集八卷內次集十卷外集八卷外次集十卷）（外集卷五至外次集

卷十）〔清〕寶廷撰

桐城吳先生文集四卷 桐城吳先生詩集一卷 〔清〕吳汝綸撰

寄篋文存八卷 枕碧樓偶存稿十二卷 〔清〕沈家本撰

偶齋詩草外集卷五

家居集 癸未

宗室寶廷竹坡著

廣化寺題壁

扶筇入幽谷不覺日西斜古寺一聲磬空山滿澗花老
僧索佳句留客試新茶今夕有明月何愁歸路賒

晚自廣化寺下冷家莊與阿洪聯句

曲逕下山陰雲迷山翠深竹暮烟含雨氣晚磬雜泉音
新綠不滿澗殘紅猶在林竹荒村行漸近指點大河
潯洪

偶齋詩草外集

卷五

一

澗中飲酒

怪峰高百丈一身兩其首無語向人立似看我飲酒對
之豪興發一舉盡一斗襟坐恣懽笑醉來忘童叟梨花
開澗邊雅潔如嫠婦隨風落酒中香雪吸滿口酒酣問
山靈如此人見否太白東坡後此樂應無有

秘魔巖

奧區聚靈秀禱雨久傳聞倒控千年樹橫拖萬丈雲腥
風枯石骨凍雪斷苔紋獨據西山上幽奇迥出羣

子以詩索酒依韻答之

花好與之妾酒美與佳友世法平等視樂援亦樂受正

思扣門送况勞折柬取呼奴開大甕挹注致左右我喜
得新詩君喜得陳酒交情如酒味願言皆長久酒爲友
增狂花爲妾減醜食色本天性悅目同悅口推愛贈所
愛物微情乃厚酒美君任分花好吾自有信陵今未亡此樂君知否

東宗子美訂約遊廬師巖

山雨觀瀑晴看月季夏中旬好時節偷得仙山一夜風
吹盡人間三伏熱他族避暑猶登山我輩豈獨慵躋攀
夷人多避暑西山諸寺買山無資歸隱難乘興小佳聊開顏危巖

偶齋詩草外集

卷五

二

倒垂闌奧室半住神龍半住佛跋鳥過飛深莫入腥涎
着苔凝夏雪我無官守空絆羈君官六品秩亦微明朝
相將入山去毋使熱汗汙朝衣

與鏡寰飲酒用飲中八仙歌韻

去年曾泛之江船酒醉誤倚江花眠狂奴故態聞上天
滿朝朱紫同垂涎朝衫褫去歸林泉旅囊詩富難餘錢
買山無福居輞川種花最愛黃菊賢羣芳結束殿一年
力微骨傲思迴天欲使秋後如春前客來同飲花枝前
醉後夢夢花中禪詩心酒浸難成篇主客擲杯相對眠

夢山四壁花如船淵明魯望客似仙人生至迂求名傳
名傳僅在混沌前劫火紅盡灰無烟及今劫燼火未然
與君且開花間筵

五台歌送李雨蒼兼寄張香濤

五嶽真形難聚觀天留縮本成此山五台分峙衝塞雲
山根在晉影落燕靈鷲境狹禪難安道場析建清涼寬
峨眉瓦屋居普賢佛光對映南北鄰小影描摹看田盤
奇秀略等高卑懸盤山亦名小五台李君好遊自少年五嶽到
處窮攀援凱歌唱罷暫賦閒紫荊策馬西出關是時孟

偶齋詩草外集 卷五

三

冬天苦寒冒寒登陟輕險艱雪凝嵐凍蒼翠乾澗冰溼
袖舊血殷我遊七閩春始旋武夷九曲曾泛船敲凌垂
絲過嚴灘泰岱撥雪瞻天門送君西遊我垂涎道遠勝
跡難共攀南交海沸烽火然老將顧盼思據鞍嚴寒珍
重百戰身名將得同名山難河東節度我故人西道相
逢勞寄言道我新遊西山還病骨瘦峭雙髻斑

讀蘇集示子美

東坡居士風雅最天生山谷與之對詩酒唱酬絕萬代
豈意今日有我輩少陵太白冠有唐吏部繼起名文章

不知騷壇增歐陽况復元祐蘇與黃天地生才不憚煩
前賢未沒繼後賢萬石才分人萬千幸得升斗同可憐
君生不幸適遇我筆陣相持判水火千秋論定死乃可
新舊之間列右左子美善做古余每喜新百年瞬息如風馳後來
人有難知誰他年若見我輩詩恐難上與唐宋齊狂風
掀海騰黑烟大地周圍飛火船車書禮樂同新翻揚圻
孰重三百篇後代筆墨何更言佳什縱夥空流傳豈如
相與操戈鋌自恨佔俚心氣殫縛雞無力甘寒酸酒酣
歎息看蒼天

偶齋詩草外集 卷五

四

寒夜偶作

醉後就牀睡夢中復飲酒睡醒醉未醒酒香尚在口恍
惚忘昨醉反疑夢真有夜寒覺裘輕且復進一斗

和子美西長安街步月韻

出門兩眼清不知有月色牆遠辨微紅樓陰聚暗黑聯
步試東行通衢夜寂寂清景宜閒身傲君尙微職無能
樂養拙何須憂罷斥小立依 禁門漸無人我識冬暖
夜寒輕况方飽飲食地廣月增輝木落風省力寒溫隨
氣候冬有何分析

冬二湖上

湖冰新凝薄琉璃罩水面寒碧水底平藻荇疎可見斜陽照不入金輝浮一片微風偶然過閃爍日光眩殘霞不滿水黃白排凌亂時復露寒流零星續又斷冬夏日有幾風景倏已變衣單難久立良遊莫留戀

綠菊 并序

菊種甚多而少綠今秋菊農售新種有名碧玉搔頭遠山眉黛者聞而奇之問值則居奇甚因平生所未見典衣卒購之閒則皆不稱其名偶購一叢

偶齋詩草外集 卷五

五

名頗俚價亦頗廉適驟寒爲所傷花葉皆半萎入冬開一花乃所謂蒼龍啓蟄者且色亦不佳旣而復開數花則盡變綠色清而艷如春月新柳余旣喜復因而生感謂盛名難副而貴不如賤耶抑物變靡常貴賤無定質耶胡爲銳意求之重值購之而不可必得而無意中時或遇之也得非物聚於所好好之切求之誠則必有奇物以應之而徒尙虛名適招欺耶且花雖佳亦實不稱其本名亦足見庸耳俗目之品評不足據也爰誌之并係以詩

以告世之好花者夫天下豈惟花爲然哉

隱士恥作時世裝秋蘭爲佩荷爲裳秋花有心竊春光柳汁染就東籬黃老松瘦竹分翠蒼歲寒友少增晚香
溫露泛此蒲桃漿碧玉一色斟滿觴

養拙集 甲申

香界寺下石橋題柱

殘雲低覆山羣峭半埋沒微風偶吹來忽露一峰雪古寺隱寒林嶺背見斜日蒼松閒白石無言共清潔支筇立片時中心凡想絕

偶齋詩草外集 卷五

六

平坡

平坡高向陽春暖氣溫煦積雪半露山黃葉猶滿樹酒後倦攀躋曳屐聊一步殘雲忽飛來遮斷巖腰路

龍泉庵

小榭聽泉坐翛然萬念除喜逢新霽後正是仲春初殘

雪不滿樹寒潭時見魚永懷鋤月叟曾此結精廬 秀楚 翹先

生莖別號 鋤月山人

雪後同芷亭子嘉子美淨業湖酒家樓上作

湖月連冰白樓鐙隔水紅宵寒餘宿雪春冷入東風後

起有詩客子嘉芷亭舊交多老翁酒酣羞脫帽相對盡頭童

不知湖月上水影上高樓靜夜聞來雁寒沙有宿鷗波明橋似斷岸遠屋如浮不負韶光好連朝作勝游

上已後十日攜二兒富壽白石橋閒步用去年上

己口占韻

過橋尋舊徑河畔有人家村落帶疎柳亭臺雜亂花芳田隨水曲粉壁逐山斜小憇呼兒伴空林鳥不譁

山行

偶齋詩草外集 卷五

七

灘沙擁河流斜轉隨山奔曲行抱山腳水嚙崖石分峭壁白如雪直立浮無根石紋裂縱橫疑有蛟龍痕迴風吹黃沙上天化爲雲山花盡變色烟靄迷昏昏慘淡衆所怖奇險我獨忻寄言同游客奮力相攀援

桃源題壁

日落谷未昏峯頭掛新月不知林有花疑是山積雪荒村隱深樹微茫路如絕偶聞人語聲燈光忽明滅

下仰山赴桃源

昏烟蒼茫日將夕曳杖徐行踏亂石梨花滿山不見人

峯頭一鉤斜月碧

偕汝明伯從韻清游滴水巖

山深夏難來乘興且尋樂登臨况有侶同懷不寂寞老僧我舊識巖下留小酌野蔬共山肴坐石聊大嚼酒酣憑檻望險怪足駭愕大石裂千仞欲墜枯藤絡亂峯仰孤寺衆岫聚一壑巖高石髓溢壁峭嵐翠薄忽念古越裳山嶺更參錯雲霞歎無辜兵燹恣薰灼峯巒亦有命近畿得所託勝境常保全幽僻安猿鶴幸哉烽烟遙從容任芒屨能遊卽大福勿嫌道路惡

偶齋詩草外集 卷五

八

山行遇風

四山霧滿風欲起遠近迷漫若雲海紅日韜光白如水山陰橫路尺有咫絕壁下視壑無底岡巒無數埋烟裏一片蒼茫千百里奇峯銳立形肖鬼上露峯頭下掩趾大聲倒捲雷滿耳撲面黃塵雙目眯危岡斷續木半毀亂石滑滑不容履衣衿糾股足難徙一墜莫起判生死異二姑遊不成美佳景宜人頃刻改寄言同遊心勿駭事惟可驚乃可喜世路風波盡如此

山中卽景

暮色四圍合峯巒漸杳冥殘春寒閒暖薄酒醉如醒月上花逾白烟生山更青泉聲在深澗入夜尙泠泠

寄懷焦山芥航上人用東坡自金山放船至焦山

韻

獅子高踞睥睨眈香象偷渡江之南一鶴化石落水底海門鼎立奇成三

焦山形如獅子南岸有象山對峙焦山瘞鶴銘石刻曾落江中今在寺

十年兩度訪名勝王事促迫絲縛蠶戀官不棄待吏議公早退院良我慙憶我再遊盡寒序木凋水涸龍蟄潭朱明雨足大江漲登高眺望尤興酣良遊回首若夢寐

偶齋詩草外集

卷五

九

舊詩滿壁難重談髯蘇不來佛印老海雲江月空禪龕我生愛山本天性烟霞老死心亦甘家貧安得買山隱卻悔爲吏忘婪貪閉門窮巷日醉卧仕隱兩誤愁何哉名山大川遍宇內何處容我留一庵

淨業湖樓

殘荷秋老漸離披風冷霜寒翠蓋欹一樣田田滿湖葉如何不似未花時

口占

風靜荒庭月色寒空階躑躅傲裘單繞牆枯樹參差立

聊作梅花未放看

廿四日仍雪同鏡寰芷亭靜山伯從小飲淨業湖

酒樓醉後遂同出德勝門乘冰車入阜城門戲

成長句示同遊諸君

詩人喜雪過農夫連朝踐踏忘泥塗西郊昨日已縱覽興來今又遊北湖北湖酒樓臨岸孤登高痛飲老眼舒舊景厭看忽新易近山變色遙山無平湖雪滿湖難尋皎然百頃迷淺深鑿開玉鏡一方小墨泉染出瑤池心酒酣張蓋北門出醉卧冰車輕栗冽銀花碾碎澀有聲

偶齋詩草外集

卷五

十

伏溜迸冰雪橫裂朔風斜捲花飛飛草木泥沙共清潔兩閒不許一塵留仰見白雲俯見雪仙人鶴毳擁羊裘佛子渡人牽白牛

章冰床者乃某寺番僧

世閒諸法盡平等苦樂

當前良不侔君不見河邊乞食婦懷抱嬰兒寒縮首又不聞海上長征兵鐵衣束體堅如冰對雪難免同淚傾豈暇冒雪閒遊行災荒兵燹久未息四方何日歌昇平偷閒覓樂足慚愧歡笑未已愁懷增方外亦難逃海內可能絕俗長獨生

臘日鏡寰以詩索桃枝依韻和之

卻笑詩翁興太賒桃枝索取送歸家也應惹得山妻笑
如此年華尙愛花

俞德甫 十彥 老年得子戲占賀之

老樹從來無醜枝花能結子不妨遲莫嫌綠葉成陰滿
記否新紅乍破時

自負君當遜一籌季兒雖小已年周勳名事業何須說
倖得多男老不愁

黃再同喪子作此慰之

達士齊死生儒者重心性人生有真情世事皆幻境譬

偶齋詩草外集 卷五

十二

如在夢中哀樂本非真當其哀樂時情同醒時人明知
生如夢有情難不用骨肉關人倫忍人亦哀痛哀痛終
如何血淚空滂沱與其無益哭爭如代以歌長歌豈無
情生能不念死彭殤去幾許早暮總如此無聊擇所處
姑居通介閒情肖聖賢用事作莊列觀

飯眠集 乙酉

元日醉後戲贈汝明

汝明好奇喜作客兩度偶齋度除夕去年元日君曾死
豈料今年復醉此 去年元日汝明自偶齋若教一死竟
飲歸到家死去久乃蘇

不蘇何勞昨夕重避連多生一年一年累博得今朝又
同醉一年不死醉一年醉人生死聽上天舉杯叩天乞
天眷不死須使有酒錢一杯一杯壺一壺客醉欲歸需
主扶勸君今日勿復死一之爲甚可再乎

湖上

隄柳始著黃野曠東風冷冰開湖面平琉璃碧千頃孤
雲水底來隔斷遠山影

西山卽景與伯從集詩牌

閒遊任行坐無處不春光一水高峯諸數家深谷藏山

偶齋詩草外集 卷五

十三

雲溼芳草花氣暖斜陽遠望重重隔紅桃襍白棠

送春集詩牌

匆匆成底事迴首愧東皇歡樂本如夢繁華終散場美
人悲遠嫁廢宦歎還鄉莫道長時過餘花尙有香

淨業湖酒樓同芷亭及兒輩飲酒

高樓醉倚任喧譁一曲湖隄帶草斜日轉柳陰明暗水
風分蓮葉露藏花詩儔半老難常聚酒債微償尙強賒
迴首舊山青在望幾時陶令可移家

季夏之望雨後同芷亭子嘉靜山汝明伯從少甫

壽富富壽泛舟通惠河抵二閘酒家小飲醉後
復攜酒泛月至三閘抵曉始返

夕陽在山月在水南風搖浪動蒲葦雨晴雪散晚涼多
放舟徐行不計里舟行漸遠月漸明舟東月西相迎行
疎燈數點認開口隔林隱約聞濤聲二閘高處多酒家
繫舟就飲遊興餘開樽未吸酒香溢柳陰深暗藏荷花
憑高縱眺聯新句冰輪南轉無纖霧水光一道明入天
兩岸暮烟連遠樹換舟東下已三更漢淡星稀天不青
舟下水光舟上月上下空明點塵絕月華水氣滿舟涼

偶齋詩草外集

卷五

三

水月無聲天地潔順流十里東復東三閘水聲震耳聾
忽驚金虬起舟底電影入水沈雲紅大呼迴舟逐月走
月走入雲人落後良宵風月幾何時樂境轉頭復何有
月暗雲陰遊興闌水氣侵人作曉寒早知佳景不常久
何若中宵乘月還

送大兒壽富入場戲占

閒居三載萬緣空棘院重過似夢中老去功名心已歇
從今又想作封翁

季冬望後二日快雪晚晴二更攜大兒步至金鰲

玉嶺看月三更始歸成七古一章以誌勝景

層冰滿池不見水新陽脩動壓水底積雪滿池不見冰
月光入雪寒無聲水堅雪厚壓不住月光水氣融成霧
瓊島孤懸銀海中但見樓臺不見樹微風吹霧騰上
天蒼茫一片如雲烟明月忽變作五色上月下雪相新
鮮三海連環如玉鑑小立橋頭聊竊瞰久觀翻覺不分
明雪月光侵目光眩忽憶當初全盛時冬宮春園
歲遷移隆冬雪霽每巡幸液池凍合呈冰嬉我生
也晚觀冠亂宵肝無暇遊觀稀蓬瀛不禁俗人

偶齋詩草外集

卷五

四

到勝景幸遇驚清奇閒身又值太平日遊歸紀勝姑成
詩昆明雪月應更好可惜荒遠無人知

癡聾集

丙戌

十七日同芷亭道士白石大兒小酌淨業湖樓醉
後踏燈

十三見燈如故人經年契濶刮目新十七看燈如送別
後期縱有須葦月呼兒扶我登酒樓招客踏燈餞佳節
同遊主客皆近老老看殘燈燈倍好年年常作踏燈遊
回首酒儔逐年少酒樓窓啓鄰燈市燈光倒暈湖冰紫

白頭把酒望春燈酒綠燈紅大歡喜明朝難管況明年
今夕相將且盡歡悲歡生心弗生境殘燈姑作試燈觀
觀燈兩度踏街塵乘興遨遊不厭頻笑拍神仙休傲我
大家一樣是閒人

止酒 并序

冬寒朝夕火酒積熱於中春來口舌糜爛兼之痰
嗽面復生瘍不得已暫戒酒每日早飯猶可晚思
之甚無聊悶卧萬感交集戲做陶公作止酒詩有
動則書之其閒或止或不止襍出不倫非一日一

偶齋詩草外集 卷五

五

時所作亦如陶公飲酒詩固不專言酒也已近伯
玉知非之年竊取衛武悔過之意謂之止酒詩可
卽謂之飲酒詩亦可

飲酒如爲官知止斯足貴戀官名終喪酒酒身終害爲
官十五年積年多酒債休官亦縱酒三載常沉醉薰蒸
中增熱游火蔓肺胃口舌受孽報糜爛不知味敗身同
敗名覆轍當速戒黃流多風波知機急勇退

我幼頗長厚長乃好多言三杯助談鋒躁妄吾莫捫故
人知我性隱忍每相寬匿怨縱弗忍熱血已半寒所幸

多君子未至啓禍端究其致謗由麴蘖實其原行年近
知非舊交有幾存與其人容我何若我讓人

好酒不在量量淺酒趣深俗好量以口買好量以心我
少乏酒量蕉葉一不任好酒強學飲朝夕杯勉斟天資
畏人力日久漸涵沈居然成酒客酒病因相侵我今酒
雖止思酒饒不禁不飲趣自在譬之無弦琴笑彼口好
者嘔吐時滿衿

偶齋詩草外集 卷五

六

忽不適面火粟生體諱疾慵服藥私念酒可解呼兒取
酒來吸等上池水若問戒如何請自詰朝始

昨日開酒戒儀狄代良醫今日復思酒不速客適來客
本詩酒友無酒聊賦詩詩成索酒飲道我新不齋芷亭
來冬齋百道士日方滿 一之昨已甚再乎豈可爲口滑不能閉此戒

安能持人生有幾何自苦毋乃癡戒獨不戒共至善無
愈斯

有親未能孝何况言忠 君 君親我皆負胡乃言人
倫嗟嗟我男子何作負心人大書示兒子異日留示孫

路人且負我何況我朋友朋查負我親戚更何有人分異
親疎人情判薄厚轉瞬誰負誰肉爛骨同朽餒魂爭紙
錢心死難再負幸我囊未空對妾且飲酒

家貧美妾多惟三最粗醜匪但無麗色才技亦未有幼時不能飲漸
長漸耽酒無聊厭獨酌權呼當酒友言語既無謂面目
亦塵垢所幸有失言無心不我咎恃此我無憂痛飲大
開口

憂樂在此心不在醒與醉酒入心氣增憂樂更加倍古
云掃愁帚愁小或有賴若果心真憂只恐醉逾大乾坤

偶齋詩草外集

卷五

七

有大憂常在我心內酒星化長帚萬丈掃不退獨醒焉
敢言愈醉愈昏憤不如且止酒無叱權假寐

檀弓垂至訓親故者毋失苟非大違義詎忍交輕絕朋
友亦人倫友絕等妻出既絕難復合復合乃復決方悟
復合時匿怨根未拔苟非有今日終身受其譎迴思汗
沾背追悔劇粗率釋憾杯酒閒武夫心何實

洪晴川 作舟下第歸金門 年六十一

家寄金門幾閱年桃源荒僻絕塵緣孤懸四面海爲地
直上一峯山入天老去科名本游戲閒居畔讀卽神仙

朔南遠隔關懷切歲歲平安語望傳金門在廈門傍孤
懸海中約三十里
中有山名太武海
行者望以爲標

三月廿四日將曉偷兒入室失去老姬裙衩戲作

一律

東風底事透窓涼夢醒燈昏月滿牀喜我青瑣留舊物
爲誰紅袖助新妝休嗤梁上非君子卻笑閨中等慢藏
莫道寒家無長物呼兒珍重護詩囊

送陳守淑之麗江令任

萬仞玉龍山江流山峽間橋通花馬國雪隔石門關作

偶齋詩草外集

卷五

六

宦憐君遠窮居喜我閒臨歧一揮手相別歎衰顏

雁巖歌送胡筱玉

寶仁

大令歸溫州遂入蜀

雁山之高何如峩眉雪嶺之嵒巖雁山之險何如龍門
劍閣之蠶叢雁山之水之大何如瞿巴巫峽之滔蕩而
鴻溶天公好奇不惜造化力特於茲山茲水殫神工宇
宙奇山不數百千萬好奇至此天亦窮雁巖多奇峯峯
同奇不同或云山爲海水滌山膚洗淨山骨空本來面
目始全見無論泥沙塵垢并使烟嵐雲霧無所容我疑
山靈當年尸解上天去骷髏遺下堆甌東年深風雨繡

蝕化成石至今五官百骸周身骨節俱玲瓏惟有泥丸
 玉液不能涸化為大小瀑布飛湫龍所以雁湖高據眾
 峯頂龍鼻梅雨石門潭水皆貫通龍鼻水梅雨巖石胡門潭皆在雁山
 君雖老文奇雄雁巖居近奇氣鍾年近五十始得作一
 令歐蜀萬里馳征逢我幼好遊行作翁山海諸名勝卅
 載橫懷胸罷官多病貧且慵閉門倦卧閒雙筇憂時有
 淚心忡忡醉眼久眯衢塵紅送君遠行悽離棕白頭對
 立當秋風安得病軀化鶴常君從先從浮海徧探東谷
 西谷南閣北閣之古蹟而後從君沂江上歷黃牛白馬
 偶齋詩草外集 卷五 五

青衣紫柏之遺踪

送林乙垣啓東歸臺灣

七萬里外人頸血乾賦巖腰黑如鐵月眉山陰鬼夜號
 海氣連山紅落月月眉山在臺北法夷犯臺北乙垣族
 多旋以眾寡不人與眾紳帥鄉兵盛戰山上殺夷甚
 敵陣沒無算 赤嵌自昔多豪杰嘉義名城表忠節君
 家文武盡有人林姓閩大族名人甚多文忠其最此次
 開或助餉或力戰亂法人犯順團練尤出力林族人多在此
 定皆膺懋賞 轉餉衝鋒建功烈一命入官當致
 身况躋甲第沐 殊恩乙垣今 衛鄉禦寇丈夫事文章
 華 國何足云玉山獨立三千丈迴風捲濤四面響山

偶齋詩草外集 卷五

三

崔嵬兮海泱泱魍魎踞中外魍魎孤懸片土接無壤危
 區休恃幅員廣從來瘴地利鄉兵遠戍師勞難繼餉安
 弗忘危危乃安莫道承平堪坐享送君歸去近中秋側
 身南望不勝憂聚散人生亦常事老夫豈獨離別愁
 嘉義人 乙垣

偶齋詩草外集卷六

抱孫集 丁亥

宗室寶廷竹坡著

試燈日與芷亭公玉集淨業湖樓補壽鏡寢七十

醉後遂同踏燈

把酒祝君兼自慶窮人竟得長壽命我祝君君當自喜
七十年餓竟弗死酒樓今夕須盡懽主客相看皆老矣
酒樓十丈背湖起樓後湖冰前燈市囂塵清景一樓分
月白燈紅隔尺咫樓下湖冰如砥平樓頭好月如鏡明
明月滿湖不見月寒光一片融入冰酒酣步月過市廛

偶齋詩草外集

卷六

一

入聲簫鼓同喧闌月光懸空不能下六街燈火紅燭天
去年湖樓曾飲酒踏燈醉攜饒太守 去年十七日與芷亭白石飲此醉後
亦同踏燈轉眴前遊已隔年可喜重遊亦故友祝君君喜我
復悲人生七十從古稀縱能我輩如君壽他年相祝知
有誰夜深遊倦難爲別臨別翻然豪興發相期共待君
八旬重約踏燈醉樓月

絕句

已過穀雨又春寒百卉飄零花事闌天恐春將花放盡
牡丹留待夏初看

秋來楊柳喜經霜枝葉蕭疎向夕陽爭及東風工著色
春初春暮兩番黃

北山集附

四月廿九日暮登溝溝崖宿玉虛觀次早道士雲
甫出紙索詩書此應之

孤峯特立山當中危崖對峙排崇墉山靈不許山平庸
峻嶺四周皆起峯其下直削上有鋒峯峯盡奇奇不同
雙流夾山分西東交會山腳爲巨湫水欲直下山弗容
山迴水折橫復縱十五里澗一水通怪峯如鼻當水衝

偶齋詩草外集

卷六

二

何人關徑斤運風徑陡如壁人如蟲失足一墜不有躬
兩澗交處俗呼雙流水臨澗山至險俗呼閻王鼻 我來崖下已暮鐘崖仄樹密
昏烟蒙愈上愈昏雙目矇以足代目行龍鍾咫尺性命
憑孤筇徑狹石滑筇屢空影響應足音楚楚暗中疑有
魑魅從舉首觸崖搖亂松怪鳥驚起啼如狖股戰欲跌
必有神楚楚五里躋仙宮熱汗染衣雲氣濃罡風逼肉
寒若冬丹房晚飯飢腸充一睡徹夜曉起慵開門萬嶺
朝陽紅

三峯歌

溝溝崖高懸半空兩峯分峙崖西東一峯獨出崖之中
峯腰有石盡直立突起無數皆奇峯有如新筍初解籜
層層亂翠尖有鋒周遭攢湊聚不散又如出水三朵青
芙蓉羣峯接連成峻嶺各有奇峯冠其頂晴嵐裏作碧
紗囊倒插利錐皆銳穎東峯獨小尤出奇一指高豎天
龍師峯背峯多不可數仙掌忽生駢拇枝中峯一石當
正面倚石淩虛建古觀劇峯疊石起重殿重殿不及一
石半登高一目盡全山上下左右之峯皆可見可惜峯
密遊人稀奇峯各具名誰題此山若移向南國不亞越
東台宕閩武夷不幸僻地限燕北雖有奇景無人知吁
嗟乎溝溝之崖以峯勝名之以崖已不稱強名溝溝不
稱更俗目庸耳何足憑反受虛名埋實境要之山靈本
無好名心呼崖呼溝呼峯皆不應

妙峯游草 丁亥

宿三家店李氏小樓

投宿得佳處憑高快若何村長隨水曲樓小聚山多勝
概增遊興良宵稱醉歌更欣明月好照澈嶺嵯峨

再遊詩草 丁亥

偶齋詩草外集 卷六

三

偶齋詩草外集 卷六

四

冷家莊

山村四面花花多人家少山靜不逢人滿樹啼春鳥日
暮山雲深山氣寒如曉

題葦甸石壁

峯奇不喜平壁峭不喜直我愛葦甸山奇峰成峭壁怪
石如鬼魅結隊立河側倒影入濁流斜陽動金碧對巖
不嫌狹神龍自能闢沙泥巖頭肥濤蝕山趾瘠當年王
將軍疏鑿尙留蹟偉績僅一隅中山良可惜水患近年
多滔滔半北直賑貸空繁費民衆難遍食閒身愧疎放
尋樂恣登陟題詩紀勝遊臨流屢歎息

漸知非集 戊子

督亢

督亢督亢圖獻秦王秦王悅見臣不知七首圖中藏一
督亢圖窮七首見堪秦王胸臣友屠狗臣屠龍有血天

下吉無血天下凶 二解持死將軍頭易生皇帝血祖龍鱗

堅血不出龍血不出燕國滅 三解改爾愛督亢圖我

惜三代書書焚未了仍坑儒血不濡縷天下歸呂書成

灰儒成土 四解

靈光寺夜作

斜月轉西峯低下入山關餘光穿嶺背陰崖見殘雪

龍泉菴題壁

小池寒不冰水石自清潔倚闌看遊魚照見一峯雪

白石寄詩見懷盛誇粵西山水之奇作七古一首

答之

女媧煉石石燼碎吹散罡風拋嶺外石骨亂裂芒有鋒
上鋒摩天下插地粵西山多天地少奇峯亂插多於草
萬朵晴雲市地生幻形百變雲輪巧桂林山水天下魁

偶齋詩草外集

卷六

五

陽朔小邑尤稱奇天台雁巖幸伊邇峯巒名著多留題
山靈僻處知己罕自古寫照無奇詩豈因才短不能肖
天巧極處人難追白石太守厚遊福宦遊後粵先巴蜀
峽三劍兩說奇觀到此迴頭笑庸俗炎陬道路逾蠶叢
官貧民悍水土凶蟲氣蒸嵐瘴雲碧蛇涎漬雨溪流紅
孱軀遠宦何年返舍已耘人行更遠未抵慶遠本任景
先攝□□府事
物雖新那暇遊窮愁鄉思詩腸滿伏波遺烈枉傳聞銅
柱摧殘人不存吟成翹首望天末傷懷豈獨悲故人
苦旱與步崖壽富聯句

去年黃河決鄭州一泄倒盡銀漢流人間水多天水少

雨工抱器空悲愁

偶

豫龍苦驕燕龍嬾阿香無力車難

挽屏翳性躁輕出山封姨妬之旋吹散

步

赤日離地尺

有五浮雲片片燒成土江海魚蛟伏爛泥波濤騰沸如

湯煮

富

蟾蜍夜出陰血紅照人欲炙疑日烘埜田龜坼

草黃萎盛夏恍惚成秋冬

偶

早魃稽誅恣餘孽虐燄薰

人九泉熱饑蚊憑勢聲同雷飛來白囓人膏血

步

乾坤

似釜人如蒸燕都冰價連朝增有時溫風自南至滿城

枯樹鳴商聲

富

吁嗟乎河南苦水北苦旱水災劇深旱

偶齋詩草外集

卷六

六

猶淺麥黃倖過庚伏來功告元圭休再晚

偶

昆明湖上劉氏蓮莊

矮屋六七間隱在花深處一徑入荷花滿衣溼香露無
門亦無牆四圍楊柳樹清渠繞短籬橫石當橋度入座
南風來炎歊忽全去回首見青山斜陽蒸薄霧

宿劉氏蓮莊

遊歸昏暮投蓮莊哦詩不寐勞倦忘雲消月上柳弄影
絺衣重襲身猶涼草堂高踞荷花裏荷葉參差不見水
南風一陣入花中月光亂捲如波起更深人靜寂無聲

炎暑全消月更清
天空露下水氣潤無風
自覺荷香生
湖隄斜亘如白練
遠山隔隄惟露半
北峯低峙正當窓
樹裏樓臺皆可見
閒身無用合歸田
官休愧少買山錢
卻羨將軍不好武
早闢名園依水邊
銘鼎臣將軍買某氏園在湖南數里
人能行樂豈憂貧
快意當前假亦真
今宵清景儘我賞
有樂何須是主人

湖上晚歸

日入大野暗
遠近同茫然
明月出東海
照見湖上山
月高湖水明
水氣成白烟
山影帶疎星
不動水底天
伫立

偶齋詩草外集 卷六

七

不忍去欲行
還俄延涼風颯焉至
吹我葛衣單

游山詩草 戊子

桃源行

仰山下有村名南莊南二里村名桃源梨花甚多而未見有桃不知何以名焉

天台山高東風烈
萬樹紅霞凍成雪
會仙石上夢成雲
斜照滿林白如月
劉阮一去不復還
縞衣相對泣空山
淚珠落地化香雨
紅妝洗淨寒玉顏
桃源自古傳兩地
鼎足成三南北異
代僵反惹俗人嘲
山靈也受虛名累
仙人自合遠凡塵
不避羸秦避大秦
新翻花樣彌清潔
不許漁郎重問津

桃源西峯

一峯獸形百其首
小穴如睛巨如口
直看似立橫似走
石骨崢嶸色深黝
我欲名之無可名
檢盡圖經世無有
其形可驚偏可喜
強說爲奇實怪醜
東峯獨秀號將軍
獨秀峯在桃源東俗呼將軍崕
凡物天生盡有偶
我今作詩贈此山
與此詩同不朽

西山襟詩

汝明與步崖皆從我
學詩豈惟詩當學
學遊亦有師遊山
亦有道自古人罕
知但擇名勝遊耳
遊良可嘖有村

偶齋詩草外集 卷六

八

山不幽無樹峯乃奇
名山似名士畫餅難療飢
看山眼須冷愛山心須癡
人遊我亦遊所得眞景稀

重陽遊廣化寺霜葉林中忽成巨壑
詢之寺僧乃

知夏日大雨山水暴發所衝感而成詠書寄粵

西志白石太守 庚寅

西山夜半風雨疾
石髓迸流石骨裂
怒龍搯山山成穴
百道飛泉隨爪出
衆流歸一直下山
山狹水濶水下難
濤頭一觸兩崖縮
巨壑頃刻千尺寬
大石方丈樹合抱
觸石石摧觸樹倒
石如砂礫樹如草
狂濶過處同除掃